

NY TENY FIAINANA

"Lazaiko aminareo marina tokoa: na inona na inona fehezinareo ety ambonin'ny tany dia hofehizina any an-danitra; ary na inona na inona vahanareo ety ambonin'ny tany dia hovahana any an-danitra."

Matio 18:18

BAREA JEUX DES ILES 2023

30 ireo mpilalao voaantso

Nivoaka ihany koa ankehitriny ny lisitr'ireo mpilalao "Préselectionnés Barea jeux des iles 2023", voaantso hifantenana an'ireo handray anjara amin'ny Lalaon'ny Nosy 2023, izay ho tantanan'ny mpanazatra nasionaly "Coach Rakotondrabe Romuald Félix" na i Me Rôrô. Mpiandry harato : Rakotohasimbola Zakanirina (Elgeco Plus), Razanamparany Bary Malala Tsitohaina (As Fanalamanga), Andriatsilavina Fabrice (Fosa Juniors). Vodilahanana : Randrianiaina Tantely Antoine (Disciples Fc), Randriamanampisoa Elysée Tony (Elgeco Plus), Randrianarisoa Mahavy Tiana (Mama Fc), Rabemananjara Radoniaina (As Fanalamanga), Randriamanampisoa Rijaniaina Nicolas (Fosa Juniors), Rabarijaona Tantely Avotriniana (Cffa), Rakotondrajoa Nantenaina Andy (Disciples Fc), Razafindraibearimihanta Soloniaina Rajonirina (Jet Kintana), Rakotonirina Jean Martin (Elgeco Plus), Manolelantsoa Ando Nampoina (Js St Pierroise), Roger Ramanjary Théodin (Ste Suzanne), Amourson Andrianinaina Aurélien (Fosa Juniors). Irakiraka : Raheiniaina Ahmad El Hadary Ylan Clovis (St Michel United), Andrianarimanana Andriamirado Arohasina (Fosa Juniors), Rakotoarisoa Baggio Romario (Jeanne d'Arc), Rafanomezantsoa Lalaina (Cffa), Randrianarijaona Tendry Mataniah (Disciples Fc), Randriatsiferana Tokoinantenaina Olivier (Fosa Juniors), Rakotoarisoa Tia-



Coach Roro hitondra ny Barea amin'ny Lalaon'ny Nosy 2023.

vina Mickael (Fosa Juniors), Andriamanjato Rojo (St Pauloise Fc), Rakotoarisoa Jean Aimé (Elgeco Plus), Ramamonjisoa Onja Anrianina (As Fanalamanga), Ranaivo Harison Aristide Vévé (Fosa Juniors). Lohalaharana : Razafindrakoto Jean Yvon (Fosa Juniors), Razafimaro Fenohasina Gilles (Ajesaia), Rakotondraibe Toky (Cosfa), Andrianantenaina Angelo Areads (As Excelsior).

Rainilita

Fivoriambe ara-potoanan'ny CAF

Nanatrika an'izany Andrianony Victorien

Nisokatra tamin'ny alakamisy 13 jolay 2023 tany Abidjan Côte d'Ivoire ny fivoriamben'ny kaonfederasionan'ny baolina kitra afrikanina (CAF) andiany faha-45, ka natrehin'ny filohan'ny FIFA Gianni Infantino, sy ny mpanao gazety iray avy any Ivoire-business, Yacine Idriss Diallo, filohan'ny Federasiona Ivorian 'ny baolina kitra (FIF) ny fotoampanokafana. Re tany Abidjan fa hanamarika ny kihon-dalana izay hahatonga an'i Côte d'Ivoire ho ivon'ny baolina kitra afrikanina ity fihaonana ity, ka hiaraka aminy ihany koa ny antsapaka amin'ny fifanintsanana fiadiana ny ho tompondaka eran-tany FIFA 2026 Faritra Afrika. Ho fanampin'izay, hatao any amin'ny « berges de



Andriamatoa Andrianony Victorien any Côte d'Ivoire.

la lagune Ebrié » amin'ny 12 Oktobra 2023 ny fisarihana ny fifaninanana CAN 2023 ary ny fikarakarana ny dingana farany amin'ny fifaninanana « finale de la Women's Champions League », izay ho tontosaina amin'ny 5 ka hatramin'ny 19 novambra 2023 ho avy izao, ka i Côte d'Ivoire

ihany koa no handray an'izany fanintelonny. Ny filohan'ny FIFA Gianni Infantino dia niarahaba ireo kintan'ny baolina kitra afrikanina sy ireo tompondakan'i Afrika amin'ny baolina kitra, noho ny pejy mahafinaritra amin'ny baolina kitra natolotr'izy ireo ho an'ny kaontinanta sy izao tontolo izao. Ary

nampiany koa ny hoe : "ny anjaranay dia ny manome fotodrafitrasa hahafahanareo hamirapiratra amin'ny fifaninanana, fa miroborobo ny baolina kitra afrikanina, ka faly aho ary nanome toky fa mbola ho avy ny tsara indrindra". Amin'izao fivoriamben'ny CAF tsotra izao, ny tompon'andraikitra amin'ny baolina kitra eto amin'ny kaontinanta no handrafitra ireo hevidehibe amin'ny hetsika, mba hampitomboana ny fahombiazan'ny athleta sy hiatrehana ny fanamby atrehin'ireo klioba. Marihana fa nanatrika an'ity fivoriana ity ny filoha "Président p.i de la Fédération Malagasy de Football, Andrianony Victorien".

Rainilita

Tournoi de Vacances National 2023

Hifarana amin'n 30 jolay izao ny fisoratana anarana



Ny kianja Rabemananjara Mahajanga.

Mampahafantatra ny mpikarakara ny hetsika baolina kitra, « Tournoi de Vacances National 2023 » andiany faha- 12, izay ho karakarain'ny Dandjy-3, sy ny A.S.S.C.A.B fa hanomboka amin'ny talata 15 aogositra ka hatramin'ny talata 22 aogositra 2023, ho an'ny sokajy 8, 10, 12, 14, 16, 18, 20 taona ary ny vehivavy, fa amin'ny 30 jolay 2023 ho avy izao, no fandraisana farany an'ireo ekipa maniry ny mbola handray anjara amin'ny fifaninanana, ka mahafeno ny fepetra takian'ny fifaninanana. Fantatra ankehitriny fa Faritra miisa 5 amin'ireo 8 nasaina izao no efa manana solontena handray anjara amin'ity hetsika hatao ao amin'ny kianja « Stade Rabemananjara Mahajanga » ity.

Rainilita

Sakafo Ny Valosoa



Brochette na masikita trafony indray, laoka amin'ny Sakafo eto amin'ny gazetinao androany. Tsara raha hasiana lasary voatabia, na lasary tômaty miaraka aminy. Dia mazotoa homana tompoko.

NY VALOSOA sy Mahaso

Ny soa azo avy amin'ny voankazo ampalibe

Anisan'ny voankazo tena tsara ary mamy ny ampalibe. Ireto avy ny zava-tsoa azo avy aminy:
- Tsara ho an'ny taolana, misy calcium, miaro amin'ny aretina ostéoporose (aretin'ny taolana).
- Mampatanjaka ny hery fiarovana.
- Manala tavy.
- Manampy amin'ny fandevonan-kanina.
- Mampihena ny risika fahasimban'ny fo.
- Tsara ho an'ny hoditra.
- Mampilamina ny tosi-drà.
- Miaro amin'ny anémie (tsy fahampina rà).
- Miaro amin'ny cancer, na homamiadana.



NY VALOSOA sy Mahaliana

Ny tanànan'i Fetraomby distrikan'i Brickaville faritra Atsinanana

Ny tanànan'i Fetraomby distrikan'i Brickaville faritra Atsinanana indray, no Mahaliana eto amin'ny gazetinao androany. Renivohitry ny kaominina Fetraomby ity tanàna ity, iray amin'ireo kaominina miisa 17 mandrafitra ny distrikan'i Brickaville. Vokatra any ny vary, ny fary, ny voankazo toy ny akondro, ny manga, ny letchi. Ny haninkotrana toy ny mangahazo, ny vomanga.

